

**STATUTI**  
**I**  
**SHOQËRISË ME PËRGJEGJËSI TË KUFIZUAR**  
**"G&G LAW FIRM"**

**KREU I**  
**HYRJE**

**Neni 1**

Shoqëria me përgjegjësi të kufizuar "G&G LAW FIRM" ka ortakun e vetëm me te dhenat e mëposhtme:

**Gjin Gjoni**, i biri i Gjon dhe Dave, i datëlindjes 09.03.1970 lindur ne Lezhe dhe banues ne Tiranë në adresen, Rolling Hills Vila nr 69, Farke, Tirane, person madhor, me zotësi te plote juridike per te vepruar, identifikuar nga letërnjoftimi me nr. 030859115 dhe nr. personal H00309108Q;

Ortaku, i cili është madhor, me zotësi të plotë juridike për të vepruar, në përputhje me ligjin harton edhe statutin e Shoqerise si më poshtë:

**KREU II**  
**PERKUFIZIME**


**Neni 2**

**Emertimi i shoqerise**

Emërtimi i shoqerisë është "G&G LAW FIRM".

**Neni 3**

Ortaku i vetem ka vendosur miratimin e statutit te shoqerise ne baze te legjislacionit ne fuqi të Republikës së Shqipërisë, veçanerisht sipas ligjit nr. 9901, datë 14.04.2008, "Për tregtarët dhe shoqëritë tregtare" të ndryshuar, dhe si person juridik, e zhvillon aktivitetin në përputhje me këtë legjislacion dhe me normat e këtij statuti. Ky statut hyn ne fuqi pas regjistrimit në Qendrën Kombëtare të Biznesit. Gjithashtu shoqeria e bazon aktivitetin e saj ne ligjin nr. 9121, date 28.7.2003 "Per Mbrojtjen e Konkurrences" të ndryshuar, ne Kodin Civil dhe Kodin e Punes si dhe ne ligje te tjera ne Republiken e Shqiperise.

  
1

## **Neni 4**

### **Forma**

Shoqëria "G&G LAW FIRM" është "Shoqëri me Përgjegjësi të kufizuar".

## **Neni 5**

### **Selia**

1. Selia e Shoqërisë ndodhet në Qytetin e Tiranës në adresën Rruga Papa Gjon Pali II Pallati nr. 1, shkalla 1, Ap. 37, Njesia Bashkiake nr 2.
2. Shoqëria ka të drejtë të hapë filiale të tjera brenda territorit të Republikës së Shqipërisë ashtu edhe jashtë vendit, në varesi të selisë Qendrore që ndodhet në qytetin e Tiranës.
3. Vendi i mbajtjes së mbledhjeve të asamblese së përgjithshme është selia e shoqërisë. Nëse bëhet dakord me unanimitet, mbledhjet e asamblese mund të kryhen në një vend tjetër.

## **Neni 6**

### **Objekti i veprimtarisë së shoqërisë**


Objekti i veprimtarisë së shoqërisë do të jetë:

- Avokacia;
- Ofrimi i shërbimeve ligjore personave fizike dhe juridike, shqiptare apo të huaj,
- Dhënia e këshillave dhe e shpjegimeve të çështjeve juridike, intervistave të drejtpërdrejta apo komunikimit në distancë;
- Shërbimet ligjore mbrojtëse;
- Përgatitja e dokumentave ligjore;
- Përfaqësimi në gjykatë dhe përpara organeve të tjera shtetërore e institucioneve të tjera;
- Sigurimi i informacionit juridik;
- Plotësimi i akteve të ndryshme juridike;
- Dhënia e këshillave juridike për personat që kryejnë vetë përfaqësimin në gjykatë;
- Këshillimi financiar;
- Shërbimi i rekrutimit për të gjitha fushat e aktiviteteve profesionale që ushtrohen në Republikën e Shqipërisë;
- Trajnimi i stafëve të shoqërive tregtare;
- Ndërmjetësimi; dhe
- Këshillime në çdo fushë tjetër.

## **Neni 7**

### **Vula e shoqërisë**

1. Shoqëria ka vulën e saj, në brendësi të së cilës shkruhet i plotë emërtimi i shoqërisë dhe forma e saj juridike.



2

2. Te gjitha aktet qe dalin nga shoqeria, pasi nenshkruhen sipas ligjit, vulosen me vulen e shoqerise.

### **Neni 8**

#### **Kohezgjatja e shoqerise**

Kohezgjatja e shoqerisë do të jetë e pakufizuar dhe fillon nga momenti i regjistrimit të saj në Qendrën Kombëtare të Regjistrimit me përjashtim të rasteve kur mbaron sipas parashikimeve në ligj ose kur vendos Asambleja e Pergjithshme.

### **Neni 9**

#### **Veprimet e lejuara te shoqerise**

Shoqeria mund te ndryshoje emertimin, seline, kohezgjatjen dhe objektin e veprimtarise se saj sipas vendimeve qe do te marre Asambleja e Pergjithshme me shumicën e ortakëve që përfaqësojnë të paktën  $\frac{3}{4}$  e pjeseve te kapitalit.

### **Neni 10**

#### **Marredheniet e punes**

1. Shoqeria per te kryer veprimtarine e saj sipas objektit te ketij statuti do te lidhe kontrata individuale per te rregulluar marredheniet e punes.
2. Kontratat e punes do te lidhen konform ligjit "Kodi i Punes së Republikës së Shqiperise" i ndryshuar, dhe dispozitave te tjera ligjore qe rregullojne marredheniet e punes ne Republiken e Shqiperise.


## **KREU III**

### **PARIMI I DETYRIMIT TE BESNIKERISE**

### **Neni 11**

#### **Ndalimi, konflikti i interesit dhe personat e lidhur**

1. Personi i autorizuar per te perfaqesuar shoqerine tregtare nuk mund te lidhe kontrata apo te hyje ne marredhenie te tjera me shoqerine tregtare, nese nuk deklarohen kushtet e veprimit, si dhe natyren e objektin e interesit te tij e veprimi nuk autorizohet paraprakisht prej te gjithe ortakeve ose te gjithe ortakeve te tjere.
2. Cdo miratim paraprak dhe i pergjithshem njoftohet per regjistrim ne Qendren Kombetare te Regjistrimit.
3. Miratimi i parashikuar jepet, gjithashtu, për çdo kontratë apo marrëdhënie tjetër, që shoqëria lidh me një palë të tretë, e cila ka marrëdhënie personale apo financiare me personat e autorizuar për të përfaqësuar shoqërinë, apo me palë të treta, marrëdhëniet e të cilave me personat e mësipërm janë të tilla që, në mënyrë të arsyeshme, mund të ndikojnë vendimmarrjen e tyre në kundërshtim me interesat e shoqërisë. Personat në vijim prezumohen të kenë një apo më shumë nga interesat e mësipërm me personat e autorizuar për të përfaqësuar ose për të mbikëqyrur shoqërinë:



- a) bashkëshorti/bashkëshortja, prindërit, vëllezërit ose motrat e bashkëshortit/bashkëshortes;
  - b) fëmijët, prindërit, vëllezërit, motrat, fëmijët e fëmijëve ose bashkëshorti/bashkëshortja e personave të mësipërm;
  - c) personat e lidhur me personin e autorizuar për të përfaqësuar ose për të mbikëqyrur shoqërinë. Persona të lidhur janë: të paralindurit apo të paslindurit, të afërmit në vijë të tërthortë të shkallës së dytë, birësuesi ose i birësuari, i afërmi i shkallës së parë i bashkëshortit/bashkëshortes;
  - d) një person, që banon me personin e autorizuar për të përfaqësuar ose për të mbikëqyrur shoqërinë.
4. Personat, të cilët kërkojnë miratim për një transaksion, sipas pikave 2 e 3 të këtij neni, nuk mund të marrin pjesë në votimin për miratimin e veprimit e nuk llogariten në kuorum.
  5. Çdo veprim që kërkon miratim, sipas pikave 2 dhe 3 të këtij neni, publikohet në pasqyrat financiare dhe raportet e ecurisë së veprimtarisë, së bashku me kushtet e veprimit, si dhe natyrën e objektin e interesit të personave të përfshirë.
  6. Per efekt te ketij statuti, me persona te autorizuar per te perfaqesuar ose mbikqyrur shoqerine tregtare do te kuptojme ortakët e shoqerise, administratorin, ekspertin kontabel te autorizuar dhe likuiduesin e shoqerise.

## Neni 12

### Parimi i besnikerise

1. Gjatë ushtrimit të të drejtave, ortakët veprojnë, duke marrë parasysh interesat e shoqërisë dhe të ortakëve të tjerë. I njëjti detyrim zbatohet edhe për administratorët.
2. Me përjashtim të rasteve kur parashikohet ndryshe ne ligj ose nga ky statut, në rrethana të njëjta, ortakët gëzojnë të njëjtat të drejta, kanë të njëjtat detyrime e trajtohen në mënyrë të barabartë.

## Neni 13

### Ndalimi i konkurrences

1. Ortakët apo administratorët e shoqërisë tregtare, me përjashtim të ortakut Gjin Gjoni, nuk mund të mbajnë një pozicion drejtues apo të jenë te punësuar në shoqëri të tjera që ushtrojnë veprimtari në të njëjtin sektor ekonomik me shoqërinë e parë. Gjithashtu, këta persona nuk mund të mbajnë statusin e tregtarit për të ushtruar veprimtari në këtë sektor.
2. Ndalimi i përmendur në pikën 1 të këtij neni të shfuqizohet nëpërmjet një autorizimi të posaçëm, të dhënë nga ortakët nga asambleja e përgjithshme me shumice te kualifikuar. Për ortakun Gjin Gjoni, parashikimi në pikën 1 të këtij neni zëvendëson autorizimin e posacem nga ortakët e tjere nese do te kete ne te ardhmen / çdo ortak tjetër që mund të përfshihet në të ardhmen është në dijeni të këtij fakti që në momentin e themelimit të kësaj shoqërie / do të jetë në dijeni të këtij fakti në momentin e përfshirjes në shoqëri.



4

3. Ndalimi i përmendur në pikën 1 të këtij neni, të mbetet në fuqi edhe pas humbjes së cilësive apo statusit të përmendur në të, për një periudhë një vit pas humbjes së kësaj cilësie.
4. Nëse ndonjëri prej personave të përmendur në pikën 1, pa përfshirë përjashtimin e bërë, të këtij neni shkel ndalimin e konkurrencës, shoqëria mund:
  - a) ta përjashtojë atë nga shoqëria apo ta shkarkojë nga detyra;
  - b) të kërkojë ndërprerjen e veprimtarisë konkurruese;
  - c) të ngrejë padi për shpërblimin e dëmit.
5. Shoqëria, si alternativë të ngritjes së padisë për shpërblimin e dëmit, mund t'i kërkojë secilit prej personave të përmendur në pikën 1 të këtij neni:
  - a) të pranojë se transaksionet e kryera për llogari të tij të kalohen për llogari të shoqërisë;
  - b) t'i transferojë shoqërisë të gjitha përfitimet që ka marrë nga kryerja e veprimeve për llogari të personave të tretë;
  - c) t'i transferojë shoqërisë të gjitha të drejtat e kreditë, që kanë rrjedhur nga kryerja e veprimeve për llogari të personave të tretë.
6. Padia për ushtrimin e të drejtave të shoqërisë ngrihet brenda 3 viteve nga data e kryerjes së shkeljes. Për ngritjen e padisë ndaj personave të sipërpërmendur zbatohen, gjithashtu, dispozitat e pikës 3 të nenit 10 të ligjit "Per tregtaret dhe shoqerite tregtare".

## **KREU IV**

### **KAPITALI THEMELTAR - PJESEMARRJA**

#### **Neni 14**


#### **Kapitali i shoqërisë dhe kuotat**

1. Kapitali i shoqërisë perbehet nga 1 (nje) kuote ne vlerën 100.000 lekë
2. Kapitali i shoqërisë mund të zmadhohet, me vendim të Asamblesë së Përgjithshme. Në rast zmadhimi te kapitalit të shoqërisë, ortakët kanë te drejtën e përparësise në nënshkrim, proporcionalisht me shumën e kuotave të tyre, e drejtë nga e cila ata mund të heqin dorë.
3. Kapitali i shoqërisë, mund të zvogëlohet me vendim të Asamblesë së Përgjithshme. Zvogëlimi i kapitalit i prek të gjithë ortakët në të njejtën masë ndaj kuotave të kapitalit që ata përfaqësojnë. Kapitali nuk mund te zvogelohet nen kufirin minimal qe lejon ligji "Per tregtaret dhe shoqerite tregtare".

#### **Neni 15**

#### **Kontributet**

Kapitali i shoqërisë, zotërohet nga ortaku i shoqërisë 100%



## Neni 16

### Kalimi i kuotave te kapitalit

1. Kuotat e kapitalit te shoqerise jane të kalueshme ndërmjet ortakëve dhe te kalueshme ne rruge trashëgimie. Trashëgimtari, paraardhësi ose pasardhësi, bëhën ortakë, nëpërmjet kalimit të kuotave të kapitalit.
2. Kuotat e kapitalit te shoqerise mund t'u kalohen personave të tretë që nuk bëjnë pjesë në shoqëri pasi t'i ofrohet e drejta e parablerjes ortakëve të tjerë të shoqërisë siç është përcaktuar në pikën 3 më poshtë të këtij neni.
3. Ne rast kur njeri apo disa nga ortakët dëshirojnë të kalojnë pjesërisht apo plotësisht kuotat që ata zotërojnë në kapitalin e shoqerise tek të tretët, më parë duhet që oferta për shitje t'u bëhet ortakëve të tjerë të shoqërisë. Kur ortakët qe gezojne te drejten e parablerjes kane dyshime rreth cmimit te kuotave te ortakut qe kerkon ti kaloje ato, mund ti drejtohen gjykates qe te caktoje nje ekspert vleresues. Ortaku qe kerkon kalimin e kuotave tek te tretet duhet te lajmerohet ne nje afat sa me te shpejt, nese brenda 4 javeve ortakut nuk i jepet nje pergjigje atehere prezumohet se ortakët e tjere kane rene dakord qe kuotat e tij mund ti kalohen te treteve.
4. Kalimi i kuotave do te behet me kontrate.
5. Kuotat mund të pjestohen për shkak të kalimit të tyre.

## Neni 17

1. Ortaku mbulon personalisht humbjet e shoqërisë deri në pjesën e pashlyer të kontributeve të nënshkruara.
2. Kontributet e ortakut përbëjnë kapitalin e regjistruar të shoqërisë me përgjegjësi të kufizuar.

## KREU V

### ORGANET E SHOQERISE, KUORUMI DHE ZGJEDHJA E TYRE

## Neni 18


### Asambleja e pergjithshme

1. Çdo ortak ka të drejtë të marrë pjesë në mbledhjet dhe vendimet e asamblesë se Pergjithshme, dhe disponon një numër votash të barabartë me kuotat e kapitalit që ai zotëron.
2. Ortaku mund të përfaqësohet në asamblenë e përgjithshme, në bazë të një autorizimi nga bashkëshorti ose nje person tjetër i zgjedhur prej tij, me kusht që këta të jenë autorizuar me prokurë (perjashtohet perfaqesimi i nje ortakut nga nje ortak tjetër apo administratori i shoqerise).
3. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.



6

4. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.
5. Asambleja e Përgjithshme thirret nga administratorët, ekspertet kontabel të autorizuar, po qe se ka të tilla, nga likuiduesit apo ortakët të cilët përfaqësojnë të paktën 5 për qind të totalit të votave në asamblenë e përgjithshme të shoqërisë. Keta ortakë mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës. Njoftimi do të behet me shkrese, ose nepermjet postes elektronike të deklaruar paraprakisht nga palët.
6. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
7. Nëse në kundërshtim me pikën 5 të këtij neni, asambleja e përgjithshme nuk thirret, ose çështja e kërkuar prej këtyre nuk futet në rendin e ditës, secili prej ortakëve, që kanë bërë kërkesën, ka të drejtë të procedojë sipas ligjit në fuqi "Per Tregtaret dhe Shoqerite Tregtare".
8. Lajmërimi për mbledhjen e asamblesë së përgjithshme rregullisht bëhet nga administratorët.
9. Asambleja e Përgjithshme merr vendime për çështjet e mëposhtme dhe është përgjegjëse për to:
  - a) Përcaktimin e politikave tregtare të shoqërisë;
  - b) Ndryshimet e statutit;
  - c) Emërimin dhe shkarkimin e administratorëve të shoqërisë;
  - d) Emërimin e shkarkimin e likuiduesve dhe të ekspertëve kontabël të autorizuar;
  - e) Përcaktimin e shpërblimeve për administratorët, likuiduesit dhe ekspertëve kontabël të autorizuar;
  - f) Mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
  - g) Miratimin e pasqyrave financiare vjetore dhe të raporteve të ecurisë së veprimtarisë (pas marrjes dhe shqyrtimit të dokumentacionit perkates);
  - h) Zmadhimin dhe zvogëlimin e kapitalit (pas marrjes dhe shqyrtimit të dokumentacionit perkates);
  - i) Pjesëtimin e kuotave dhe anulimin e tyre;
  - j) Përfaqësimin e shoqërisë në gjykatë e në procedimet e tjera ndaj administratorëve;
  - k) Riorganizimin dhe prishjen e shoqërisë;
  - l) Miratimin e rregullave procedurale të mbledhjeve të asamblesë;
  - m) Lidhjen e të gjitha kontratave me palë të treta ku shpenzimet janë më të mëdha se të ardhurat;




- n) Blerjet dhe të gjitha shpenzimet e tjera që kryen shoqëria;
  - o) Strukturën dhe nivelin e pagave të të punësuarve në shoqëri;
  - p) Cështje të tjera të parashikuara nga ligji.
10. Të gjitha vendimet e marra nga Asambleja e Përgjithshme regjistrohen në një regjistër të vendimeve, të dhënat e të cilit nuk mund të ndryshohen ose të fshihen.
  11. Duhet regjistruar në veçanti, por pa u kufizuar në to, vendimet për:
    - a) Miratimin e pasqyrave financiare vjetore dhe të raporteve të ecurisë së veprimtarisë;
    - b) Shpërndarjen e fitimeve vjetore dhe mbulimin e humbjeve;
    - c) Investime;
    - d) Vendimet për riorganizimin dhe prishjen e shoqërisë.
  12. Vendimet e paregjistruara në regjistrin e vendimeve janë absolutisht të pavlefshme.
  13. Sipas rëndësisë së vendimeve, mbledhja e asamblesë së përgjithshme mund të jetë e zakonshme ose e jashtëzakonshme.
  14. Asambleja përgjithshme vendos me shumicë të zakonshme për cështje të ndryshme nga ato të parashikuara në pikën 15 më poshtë të këtij neni. Asambleja mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 50% të kuotave dhe vendimet merren me 2/3 e ortakeve pjesemarres.
  15. Asambleja e përgjithshme vendos me shumicë të kualifikuar për cështje të tilla si ndryshimet e statutit, zvogëlimi dhe zmadhimi i kapitalit themeltar, kalimi tek të tretët, zgjatja e kohës së veprimtarisë së shoqërisë apo likuidimi i saj, shndërimi i shoqërisë me përgjegjësi të kufizuar në shoqëri të formave të tjera, ndarja e fitimeve si dhe cdo cështje tjetër që parashikohet në ligj. Marrja e vendimeve të vlefshme bëhet vetëm nëse ortakët që zotërojnë më shumë se 50% të kuotave janë të pranishëm, votojnë me shkresë apo mjete elektronike. Në këto rast vendimet merren me 3/4 e votave të ortakeve pjesemarres.
  16. Nëse asambleja e përgjithshme nuk mund të mbledhet për shkak të mungesës së kuorumit të përmendur në këto pikë, të këtij neni, asambleja mbledhet përsëri jo më vonë se 30 ditë, me të njëjtin rend dite.

## Neni 19

### Administrimi

1. Shoqëria administrohet nga një ose më shumë administratorë të cilët janë persona fizike të zgjedhur brenda bashkësisë së ortakëve apo dhe jashtë saj.
2. Asambleja e Përgjithshme emëron një ose më shumë persona fizikë si administratorë të shoqërisë. Afati i emërimit, është 5 vjet, me të drejtë ripërtëritjeje, me përjashtim të rastit të dorëheqjes ose të shkarkimit të parakohshëm para mbarimit të afatit. Shkarkimi i administratorëve nga organi kompetent mund të bëhet në cdo kohë.
3. Emërimi i administratorëve prodhon efekte pas regjistrimit në Qendrën Kombëtare të Regjistrimit.
4. Administratorët emërohen dhe shkarkohen me vendim të asamblese së përgjithshme sipas parashikimit në këto statut.



8



## Neni 20

### Kompetencat e administratoreve

1. Administratorët kanë të drejtë e detyrohen të:
  - a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
  - b) përfaqësojnë shoqërinë tregtare;
  - c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
  - d) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
  - e) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
  - f) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
  - g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
  - h) kryejnë detyra të tjera të përcaktuara në ligj dhe në statut.
2. Për të gjitha transaksionet në formën e detyrimeve për shoqërinë, duke përfshirë, por pa u kufizuar të të gjitha shpenzimet për shkak të blerjeve, marrëdhënieve të punës, investimeve, huave apo formave të tjera me apo pa kontratë të shkruar, administratori do të veprojë me miratim paraprak të asamblesë së përgjithshme të shoqërisë.
3. Administratorët janë të detyruar të thërrasin asamblenë e përgjithshme për sa parashikon ky statut ose ligji.
4. Asambleja e përgjithshme mund të shkarkojë administratorin në çdo kohë me shumicë të zakonshme.

## Neni 21

### Emerimi i pare i administratorit

Administrator i pare i shoqërisë për periudhën 5-vjeçare emërohet **Erjon Hastoçi**.

## Neni 22

### Eksperte kontabel te autorizuar

1. Në rast nevojë si dhe kur kërkohet nga ligji, kontrolli financiar dhe aprovimi i llogarive vjetore kryhet nga një ekspert kontabel i autorizuar, i emëruar për dy vite financiare me mundësi rizgjedhjeje nga asambleja e përgjithshme me shumicë të zakonshme.
2. Shkarkimi i ekspertit kontabël të autorizuar vendoset në të njëjtat kushte si emërimi i tij, në rast se vërehen gabime, abuzime ose bëhet e pamundur kryerja e detyrës.



9

## **KREU VI VOTA**

### **Neni 23 E drejta e votes**

Cdo ortak ka te drejta vote ne perpjesetim me vleren nominale te kuotes se tij.

### **Neni 24 E drejta per te kaluar rezolute**

Asambleja e pergjithshme mund te miratoje rezolute pa plotesuar kriteret e njoftimit ne kete statut apo ne ligj. Qe te miratohet nje rezolute ne mbledhjen e asamblese se pergjithshme duhet te jene te pranishem te gjithe ortaket personalisht dhe ta votojne ate ne menyre te unifikuar.

## **KREU VII MARREDHENIET FINANCIARE**

### **Neni 25 Viti financiar**

Çdo vit financiar fillon nga 1 Janar dhe përfundon më 31 Dhjetor.

### **Neni 26 Bilanci vjetor**


1. Bilanci vjetor, inventari, raportet mbi operacionet e vitit financiar dhe raportet e vecanta të hartuara nga administratorët dhe eventualisht nga eksperti kontabël i autorizuar, miratohen nga asambleja e pergjithshme e zakonshme.
2. Miratimi i dokumentave mbi veprimtarine vjetore bëhet brenda një afati prej tre muajsh nga data e mbylljes së vitit financiar.
3. Gjuha qe perdoret ne hartimin e dokumentave vjetore eshte gjuha shqipe.

### **Neni 27 Dividentet**

Pas miratimit të llogarive vjetore dhe evidentimit të ekzistencës së fitimeve, asambleja e pergjithshme përcakton pjesën që u takon ortakëve në formën e dividendeve mbi fitimin ne raport me kuotat qe gjithsecili ka në shoqëri.

### **Neni 28 Marredheniet me bankat dhe institutet financiare**

Shoqeria, pas miratimit paraprak të asamblesë së përgjithshme të saj, ka te drejte te hap llogari likuiduese prane nje ose me shume bankave ose institucioneve financiare dhe te



10

mund të kryejë veprime likuiduese prane bankave. Në këto banka ose institute financiare si nënshkrim i parë do të depozitohet ai i administratorit të shoqërisë, i cili duhet të nënshkruajë për të gjitha veprimet financiare në emër e për llogari të shoqërisë. Ai mund të autorizojë edhe persona të tjerë brenda shoqërisë.

### **Neni 29**

#### **Marredhënia me organet tatimore**

Veprimtaria ekonomike e shoqërisë mbaron më 31 dhjetor të çdo viti. Administratori ose personat e caktuar prej tij janë të detyruar të paraqesin bilancin vjetor dhe deklarin e të ardhurave, dhe të depozitojnë ato prane organit përkatës të tatimeve.

## **KREU VIII NDRYSHIMI I STATUSIT TË SHOQËRISË**

### **Neni 30**

#### **Prishja e shoqërisë**

1. Shoqëria prishet me përfundimin e afatit të përcaktuar, kur kjo vendoset nga ortakët si dhe kur janë arsytet e parashikuara në ligj.
2. Shoqëria nuk prishet kur njëri prej ortakëve falimenton, bëhet i paafte ose vdes, por vazhdon aktivitetin me ortakët e tjerë që kanë mbetur si dhe me trashëgimtarët e radhës së parë të ortakut që vdes.

### **Neni 31**

#### **Likuidimi**

1. Shoqëria hyn në procesin e likuidimit që në momentin e prishjes së saj. Për kryerjen e këtij procesi asambleja emëron një likuidues, i cili i paraqet asaj raportin e likuidimit dhe afatin e nevojshëm të përfundimit të tij.
2. Në fund të procesit të likuidimit asambleja vendos me vendimin e ortakëve që zotërojnë të paktën  $\frac{3}{4}$  e kuotave të kapitalit mbi bilancin përfundimtar e financiar, mbi aktin e rregullshmërisë së punës së likuiduesit dhe për mbylljen e procesit të likuidimit.
3. Pas pagimit të kreditorëve dhe shlyerjes së kuotave të kapitalit tek kontribuesit përkatës, likuiduesi ndan kapitalet e mbetura ndërmjet ortakëve proporcionalisht me pjesët që ato zotërojnë në kapitalin themeltar.

### **Neni 32**

#### **Shndërrimi i shoqërisë**

Shndërrimi i shoqërisë me përgjegjësi të kufizuar në lloj tjetër shoqërie mund të kryhet vetëm me miratimin unanim të ortakëve.



11

## KREU IX DISPOZITA TE TJERA

### Neni 33

#### Mosmarreveshjet

Të gjitha mosmarëveshjet që mund të lindin gjatë ekzistencës së shoqërisë ose gjatë periudhës së likuidimit midis ortakëve, ndërmjet Shoqërisë dhe ortakëve, do t'i paraqiten për zgjidhje Gjykatës së Rrethit Gjyqësor Tiranë.

### Neni 34

Për çështje që nuk janë parashikuar në këtë statut do të zbatohen dispozitat përkatëse të legjislacionit shqiptar në fuqi "Per Tregtarët dhe Shoqëritë Tregtare".

Ky statut nënshkruhet nga themeluesit.

Tiranë, më 19.10.2020

THEMELUESI I SHOQËRISË

Gjin Gjoni

